

ՄԻՔԱՅԵԼ ՆԱԼԲԱՆԴՅԱՆԻ ՄԵՆԴՅԱՆ 150-ԱՄ ՅԱԿԻՆ ՆՎԻՐՎԱԾ
ԳԻՏԱԿԱՆ ՆՍՏԱՇՐՋԱՆ

Հայ նշանավոր հեղափոխական դեմոկրատ ու մտածող Միքայել Նալբանդյանի ծննդյան 150-ամյակին էր նվիրված Հայկական ՍՍՀ դիտությունների ակադեմիայի հորելյանական դիտական նստաշրջանը, որը հոկտեմբերի 11-ին բացվեց ակադեմիայի նիստերի դահլիճում:

Նստաշրջանում ներածական խոսքով հանդես եկավ Հայկական ՍՍՀ դիտությունների ակադեմիայի պրեզիդենտ, սոցիալիստական աշխատանքի կրկնակի հերոս, ակադեմիկոս Վ. Համբարձումյանը:

— Հայ ժողովրդի և ռուսական կայսրության պատմության շրջադարձային փուլերից մեկում՝ անցյալ դարի 50—60-ական թվականներին, ծավալվեց Միքայել Նալբանդյանի բուռն գործունեությունը, — ասաց նա: 30-ամյա ռեակցիայից հետո Ռուսաստանում սկսվել էր հասարակական մտքի զարթոնք, խորանում և ծավալվում էր ազատագրական շարժումը ցարիզմի և ճորտատիրության դեմ: Մ. Նալբանդյանը եղավ այդ անմոռաց դարաշրջանի ամենամեծ և տիրական դեմքը հայ իրականության մեջ: Հայ հասարակական, գիտական և գրական միտքը նա բարձրացրեց ռուսական և արևմտահայկական առաջավոր ըմբռնումների մակարդակին, մեծապես նպաստեց նրա հետագա զարգացմանը: Այսօր էլ մեզ հիացնում են նրա հաղթի մեկ տասնամյակ տեած գործունեության արտակարգ բազմակողմանիությունը, թափին ու խորությունը, որոնք հատուկ են միայն հասարակական առաջադիմության մեծ ռազմիրաներին: Մ. Նալբանդյանի բանաստեղծական կրակոտ տողերը տասնյակ սերունդներ են ոգեշնչել, իսկ արձակ էջերը դարձել են մեր ռեալիստական գրականության հիմնաքարերից մեկը: Նա մեր գրական քննադատության իսկական հիմնադիրն է, արվեստի տեսաբան և գեղագետ, մեր գրական աշխարհարարի կրքոտ պաշտպաններից և առաջին մշակողներից մեկը: Նա ճիշտ կոահեց հայ ժողովրդի փրկության հեռանկարը, կապելով այն համառուսական և համաեվրոպական ազատագրական շարժման հետ: Նալբանդյանը դարձավ համառուսական հեղափո-

խական դեմոկրատիայի խոշորագույն դեմքերից մեկը, մարքսիզմի և սոցիալ-դեմոկրատիայի անմիջական նախորդը հայ իրականության մեջ: Մեր ժողովրդի հետագա պատմական ճակատագիրը հաստատեց նրա մտքերի արդարացիությունը և իմաստնությունը: Այնուհետև Վ. Համբարձումյանը խոսեց նալբանդյանագիտության նվաճումների և առաջիկա անելիքների մասին:

Հանրապետության գիտությունների ակադեմիայի ակադեմիկոս Դ. Ղարիբջանյանը հանդես եկավ «Միքայել Նալբանդյանը հայ առաջին մարքսիստների գնահատմամբ» զեկուցումով: Ակադեմիկոս Ա. Ղանալանյանի զեկուցումը նվիրված էր «Միքայել Նալբանդյանը և ժողովրդական բանասյուսությունը» թեմային: «Մ. Նալբանդյանի աշխարհայացքի ինտերնացիոնալիզմը» զեկուցման մեջ Հայկական ՍՍՀ գիտությունների ակադեմիայի ակադեմիկոս-քարտուղար Գ. Դալոյանը վերլուծության ենթարկեց ռուս հեղափոխական դեմոկրատների և Նալբանդյանի աշխարհայացքային ընդհանրությունների խնդիրները: Հայկական ՍՍՀ գիտությունների ակադեմիայի թղթակից անդամ է. Զորաշյանն իր զեկուցման մեջ անդրադարձավ Մ. Նալբանդյանի արձակի գեղարվեստական համակարգի հարցերին: «Նոր տվյալներ Մ. Նալբանդյանի և ռուս հեղափոխական դեմոկրատների կապերի մասին» զեկուցումով հանդես եկավ բանասիրական գիտությունների դոկտոր, պրոֆեսոր Ս. Դարոնյանը: Պատմական գիտությունների դոկտոր Ե. Ռուդնիցկայայի (Մոսկվա) զեկուցումը նվիրված էր «Մ. Նալբանդյանը հեղափոխական իրադրության տարիներին» թեմային: Բանասիրական գիտությունների դոկտոր Կ. Գրիգորյանը (Լենինգրադ) իր զեկուցման մեջ անդրադարձավ Մ. Նալբանդյանի կյանքի և գործունեության պետերրուրգյան շրջանին: «Նալբանդյանի և ռուս հեղափոխական դեմոկրատների գաղափարական կապերի հարցի շուրջը» թեմայով զեկուցումով հանդես եկավ իրավաբանական գիտությունների դոկտոր Ե. Սկրիպիլովը (Մոսկվա):

Հորելյանական գիտական հստաշրջանում, որը տեղեց երկու օր, լսվեցին մեծ հեղափոխական դեմոկրատի կյանքի և գործունեության բազմառան կողմերի լուսարանմանը նվիրված երկու տասնյակից ավելի զեկուցումներ, որոնցով հանդես եկան զրականագետ, պատմաբան, տնտեսագետ գիտնականներ: Նրանք խոսեցին միջազգային ռեակցիայի դեմ Մ. Նալբանդյանի մղած զաղափարական պայքարի, նրա դեմոկրատական հայացքների ձևավորման ակունքների ու զարգացման ընթացքի, հայ հին զրականության նալբանդյանական զնահատության և բազմաթիվ այլ, նալբանդյանագիտության

ընդհանուր նվաճումների շարքում հանգուցային նշանակություն ունեցող խնդիրների մասին:

Նստաշրջանում նշվեց, որ սովետական իշխանության տարիներին Մ. Նալբանդյանի աշխատությունները լույս են տեսել 30 անգամ, ավելի քան 150 հազար օրինակ՝ ընդհանուր տպաքանակով: Հայկական ՍՍՀ գիտությունների ակադեմիայի հրատարակչությունը առաջիկայում լույս կոնծայի Միքայել Նալբանդյանի երկերի վեցհատորյա լիակատար ժողովածուն:

Նստաշրջանի բացմանը ներկա էր Հայաստանի կոմկուսի Կենտկոմի քարտուղար Կ. Դալյանը:

Ա. ԱԼԵԿՍԱՆԴՐ

ՀՈՐԵԼՅԱՆԱԿԱՆ ԳԻՏԱԿԱՆ ՆԱՏԱՇՐՋԱՆ

Նոր Նախիջևանի հայկական գաղթաբախի հիմնադրման 200-ամյակին էր նվիրված Հայկական ՍՍՀ գիտությունների ակադեմիայի պատմության ինստիտուտի գիտական նստաշրջանը, որը տեղի ունեցավ նոյեմբերի 16-ին:

Նստաշրջանը ներածական խոսքով բաց արեց ինստիտուտի ղեկավար, պատմական գիտությունների դոկտոր Հ. Ավետիսյանը:

Պատմական գիտությունների դոկտոր, պրոֆեսոր Վ. Քարիսուզարյանը հանդես եկավ «Նոր Նախիջևանի հայկական գաղթաբախները» զեկուցումով: Նա նշեց, որ 1779 թ. Դոն գետի ափին հիմնադրելով իրենց նոր բնակավայրերը, Ղրիմից նավթոսիա գաղթած հայ զանգվածը, որն սգովում էր կայսերական հրովարտակով շեղված արտոնություններից, առաջին մի քանի տասնամյակում ստեղծեց ոչ մեծ ծաղկունքներումս՝ զարգացած գյուղատնտեսությամբ, աշխույժ առևտրով ու արհեստներով: Գարհ ժամանակամիջոցում Ռուսաստանի սահմաններից էլ հեռու տարածվեց նոր Նախիջևանի հայ օսկերիչ և արծաթագործ վարպետների համրավը: Դոնի հայությունը զարգացրեց հայ և դուռ ժողովուրդների բարեկամության նոր գիտի՝ հայ ժողովրդին և երկրին պարզենելով առաջադեմ ինտերնացիոնալ գործիչների շքեղ մի համարայի, որն ամբողջանում է Միքայել Նալբանդյանի, Մաթիայել Պատկանյանի, Սարգիս Լուկաչինի, Ալեքսանդր Մյասնիկյանի, Մարտիրոս Սարյանի և այլոց անուններով:

Անդրազանալով գաղթաբախի պատմական զարգացման առանձնահատկություններին, զեկուցողը մասնավորապես նշեց Նոր Նախիջևանի ազգաբնակչության խոշոր դերը հայ-ռուսական հարաբերությունների ամրապնդման, ինչպես նաև հայ ժողովրդի հասարակական-քաղաքական և կուլտուր-լուսավորական առաջընթացի գործում:

Հայկական ՍՍՀ գիտությունների ակադեմիայի ակադեմիկոս Մ. Ներսիսյանի զեկուցումը

նվիրված էր «Նոր Նախիջևանի հասարակական-քաղաքական կյանքի պատմությունից» թեմային: Զեկուցողը նշեց, որ Նոր Նախիջևանի գաղթաբախը գործունե մասնակցություն է ունեցել Ռուսաստանի հասարակական-քաղաքական անցքերին և հեղափոխական շարժումներին: Փաստեր բերվեցին այն մասին, որ դեռևս 1787—1791 թթ. ռուս-թուրքական պատերազմին մասնակցելու նպատակով Նոր Նախիջևանում կազմակերպվել է հայ-ուկրաինական կամավորական ջոկատ: Նորնախիջևանցիները ակտիվորեն մասնակցել են 1812 թվականի հայրենական պատերազմին, ապա Ղրիմի 1853—1856 թթ. պատերազմին և 1870-ական թվականներին՝ նախորդելիական հեղափոխական շարժմանը:

Ռուստովի համայնարանի գասախոս, պատմական գիտությունների թեկնածու, դոցենտ Բ. Զերոտարյովը քարտեզագրական նոր նյութերի հիման վրա ներկայացրեց Դոնի և մերձագոյան շրջանի հայկական բնակավայրերի կազմավորման պատմությունը: Պատմական գիտությունների դոկտոր, պրոֆեսոր Ա. Մնացականյանը խոսեց ռուսական երեք հեղափոխություններին և սոցիալիստական շինարարությանը նորնախիջևանցի գործիչների մասնակցության մասին: Նա նշեց, որ սովետական իշխանության հաստատումից հետո Դոնի հայության լավագույն ներկայացուցիչները եկան Հայաստան և լծվեցին նրա վերականգնման ու բարգավաճման գործին:

Ռուստովի մարդի և Հայաստանի աշխատավորների սոցիալիստական մրցությունն ու համագործակցությանն էին նվիրված Ռուստովի համայնարանի ներկայացուցիչների՝ պատմական գիտությունների դոկտոր Ա. Կոզլովի և պատմական գիտությունների թեկնածու, դոցենտ Յու. Կնիշենկոյի զեկուցումները:

Մ. ՄՈՒՇԵՂՅԱՆ